



# চট্টগ্রাম বিশ্ববিদ্যালয়

১ম বর্ষ স্নাতক (সম্মান) শ্রেণি

শিক্ষাবর্ষঃ ২০১৭-২০১৮

## ভর্তি নির্দেশিকা

### ইউনিট পরিচিতি

#### A ইউনিট

(বিজ্ঞান অনুষদভুক্ত সকল বিভাগ/ইনস্টিটিউট

জীববিজ্ঞান অনুষদভুক্ত সকল বিভাগ

ইঞ্জিনিয়ারিং অনুষদভুক্ত সকল বিভাগ)

#### B ইউনিট

(কলা ও মানববিদ্যা অনুষদভুক্ত সকল বিভাগ/ইনস্টিটিউট)

#### C ইউনিট

(ব্যবসায় প্রশাসন অনুষদভুক্ত সকল বিভাগ)

#### D ইউনিট

(সমাজ বিজ্ঞান অনুষদভুক্ত সকল বিভাগ

আইন অনুষদভুক্ত আইন বিভাগ

শিক্ষা অনুষদভুক্ত ফিজিক্যাল এডুকেশন এন্ড স্পোর্টস সায়েন্স বিভাগ

ব্যবসায় প্রশাসন অনুষদভুক্ত সকল বিভাগ

জীববিজ্ঞান অনুষদভুক্ত ভূগোল ও পরিবেশবিদ্যা এবং মনোবিজ্ঞান বিভাগ)

## চট্টগ্রাম বিশ্ববিদ্যালয়

### A ইউনিট

শিক্ষাবর্ষঃ ২০১৭-২০১৮

চট্টগ্রাম বিশ্ববিদ্যালয়ের A ইউনিটের অন্তর্গত বিজ্ঞান, জীববিজ্ঞান ও ইঞ্জিনিয়ারিং অনুষদভুক্ত সকল বিভাগ/ইনস্টিটিউটে ২০১৭-২০১৮ শিক্ষাবর্ষে ১ম বর্ষ বি.এসসি (সম্মান)/বি. ফার্ম/বি.এসসি ইঞ্জিনিয়ারিং কোর্সে ভর্তির জন্য আবেদন আহ্বান করা যাচ্ছে। স্নাতক (সম্মান) কোর্স জীববিজ্ঞান অনুষদভুক্ত ফার্মেসী বিভাগে ০৫ (পাঁচ) বছর মেয়াদী এবং অন্যান্য সকল বিভাগ/ইনস্টিটিউটে ৪ (চার) বছর মেয়াদী।

**ভর্তি পরীক্ষাঃ ২৯ অক্টোবর ২০১৭ তারিখ (রবিবার) সকালঃ ১০:০০ টা**

১। বিভিন্ন বিভাগ/ইনস্টিটিউটে প্রথম বর্ষ স্নাতক (সম্মান) শ্রেণিতে ভর্তির জন্য নির্ধারিত সাধারণ আসন সংখ্যা নিম্নে উল্লেখ করা হলো (কোটা ব্যতীত)।

| অনুষদ            | ভর্তির বিভাগ/ইনস্টিটিউট/বিষয়                            | সাধারণ আসন সংখ্যা |
|------------------|--|-------------------|
| বিজ্ঞান অনুষদ    | পদার্থবিদ্যা   | ১১০               |
|                  | রসায়ন   | ১১০               |
|                  | গণিত   | ১১০               |
|                  | পরিসংখ্যান   | ১১০               |
|                  | ফলিত ও পরিবেশ রসায়ন                                     | ৩০                |
|                  | ইনস্টিটিউট অব মেরিন সায়েন্সেস অ্যান্ড ফিশারিজ           |                   |
|                  | মেরিন সায়েন্সেস   | ৪০                |
|                  | ওশানোগ্রাফী  | ২৫                |
|                  | ফিশারিজ  | ২৫                |
|                  | ইনস্টিটিউট অব ফরেনসিট্রি এন্ড এনভায়রনমেন্টাল সায়েন্সেস |                   |
|                  | ফরেনসিট্রি   | ৪০                |
|                  | পরিবেশ বিজ্ঞান   | ৩৫                |
| জীববিজ্ঞান অনুষদ | প্রাণিবিদ্যা   | ১০০               |
|                  | উদ্ভিদবিজ্ঞান  | ১০০               |
|                  | ভূগোল ও পরিবেশবিদ্যা                                     | ৪০                |
|                  | প্রাণরসায়ন ও অণুপ্রাণ বিজ্ঞান                           | ৪০                |
|                  | মাইক্রোবায়োলজি  | ৪০                |
|                  | মৃত্তিকা বিজ্ঞান   | ৫০                |
|                  | জেনেটিক ইঞ্জিনিয়ারিং এন্ড বায়োটেকনোলজি                 | ৩৫                |
|                  | মনোবিজ্ঞান   | ২৪                |
|                  | ফার্মেসী   | ৩০                |
|                  |  |                   |

| অনুষদ               | ভর্তির বিভাগ/ইনস্টিটিউট/বিষয়               | সাধারণ আসন সংখ্যা |
|---------------------|---|-------------------|
| ইঞ্জিনিয়ারিং অনুষদ | কম্পিউটার সায়েন্স এন্ড ইঞ্জিনিয়ারিং       | ৬৫                |
|                     | ইলেকট্রিক্যাল এন্ড ইলেকট্রনিক ইঞ্জিনিয়ারিং | ৫৫                |
| মোট                 |   | ১২১৪              |

## ২। ভর্তির ন্যূনতম যোগ্যতাঃ

যে সকল ছাত্র/ছাত্রী বাংলাদেশের যে কোন শিক্ষা বোর্ডের অধীনে ২০১৪ বা ২০১৫ সালের মাধ্যমিক বা দাখিল বা সমমান পরীক্ষা এবং ২০১৭ সালের বিজ্ঞান/কৃষি বিজ্ঞান শাখায় উচ্চ মাধ্যমিক বা আলিম বা সমমান উভয় পরীক্ষায় চতুর্থ বিষয়সহ ন্যূনতম মোট জিপিএ ৬.৫০ পেয়েছে; তবে যাদের উভয় পরীক্ষায় আলাদাভাবে ন্যূনতম জিপিএ ৩.০০ রয়েছে তারা A ইউনিটের ভর্তি পরীক্ষায় অংশগ্রহণের জন্য যোগ্য বিবেচিত হবে।

### অথবা

যে সকল ছাত্র/ছাত্রী ২০১৪ সালের বা তৎপরবর্তী সালের জিসিই 'ও' লেভেল পরীক্ষায় ন্যূনতম ২টি বিষয়ে 'বি' গ্রেড ও ৩টি বিষয়ে 'সি' গ্রেড পেয়েছে এবং ২০১৭ সালের জিসিই 'এ' লেভেল (বিজ্ঞান শাখা) পরীক্ষায় ন্যূনতম ১টি বিষয়ে 'বি' গ্রেড ও ২টি বিষয়ে 'সি' গ্রেড পেয়ে উত্তীর্ণ হয়েছে তারা A ইউনিট ভর্তি পরীক্ষায় অংশগ্রহণের জন্য যোগ্য বিবেচিত হবে।

এছাড়াও প্রার্থী যে বিভাগ/ইনস্টিটিউটে ভর্তি হতে ইচ্ছুক তাকে নিম্নে ৩ নং ক্রমিকে উল্লিখিত ঐ বিভাগের জন্য নির্ধারিত যোগ্যতা ও শর্ত পূরণ করতে হবে।

## ৩। A ইউনিটের অন্তর্গত বিভিন্ন অনুষদভুক্ত বিভিন্ন বিভাগ/ইনস্টিটিউটে ভর্তির ন্যূনতম যোগ্যতা :

| অনুষদ/ইনস্টিটিউট  | বিভাগ/বিষয়  | সাধারণ যোগ্যতা | উচ্চ মাধ্যমিক/সমমানের পরীক্ষায় প্রাপ্ত সর্বনিম্ন গ্রেড                        | বিশেষ যোগ্যতা (ভর্তি পরীক্ষায় নির্দিষ্ট বিষয়ে প্রাপ্ত সর্বনিম্ন নম্বর) |
|---|--------------|----------------|--|--|
| যে কোন বিষয়ে ভর্তিচ্ছু প্রার্থীকে ভর্তি পরীক্ষায় বাংলায় ন্যূনতম ৩ নম্বর ও ইংরেজিতে ন্যূনতম ৩ নম্বর পেতে হবে। |              |                |  |  |
| বিজ্ঞান অনুষদ   | পদার্থবিদ্যা | --             | পদার্থবিদ্যা ও গণিত উভয় বিষয়ে আলাদাভাবে কমপক্ষে গ্রেড পয়েন্ট ৩.০০ পেতে হবে। | পদার্থবিদ্যা-৮   |
|   | রসায়ন       |                | রসায়ন ও গণিত উভয় বিষয়ে আলাদাভাবে কমপক্ষে গ্রেড পয়েন্ট ৩.০০ পেতে হবে।       | রসায়ন-৮   |
|   | গণিত         |                | --   | গণিত-৮   |
|   | পরিসংখ্যান   |                | --   | গণিত/পরিসংখ্যান -৮   |

| অনুষদ/ইনস্টিটিউট   | বিভাগ/বিষয়                                    | সাধারণ যোগ্যতা | উচ্চ মাধ্যমিক/সমমানের<br>পরীক্ষায় প্রাপ্ত সর্বনিম্ন গ্রেড                               | বিশেষ যোগ্যতা<br>(ভর্তি পরীক্ষায় নির্দিষ্ট বিষয়ে প্রাপ্ত<br>সর্বনিম্ন নম্বর)   |
|--|--|----------------|--|--|
|  | ফলিত ও পরিবেশ<br>রসায়ন                        | --             | রসায়ন ও গণিত উভয়<br>বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে।        | রসায়ন-৮   |
| ইনস্টিটিউট অব<br>মেরিন সায়েন্সেস<br>অ্যান্ড ফিশারিজ             | মেরিন সায়েন্সেস                               | --             | --   | পদার্থবিদ্যা/রসায়ন-৮<br>গণিত/পরিসংখ্যান-৮<br>উদ্ভিদবিজ্ঞান/প্রাণিবিদ্যা-৮   |
|  | ওশানোগ্রাফী                                    |                |  |  |
|  | ফিশারিজ  |                |  |  |
| ইনস্টিটিউট অব<br>ফরেস্ট্রি এন্ড<br>এনভায়রনমেন্টাল<br>সায়েন্সেস | ফরেস্ট্রি                                      | --             | --   | পদার্থবিদ্যা/রসায়ন-৮<br>গণিত/পরিসংখ্যান-৮<br>উদ্ভিদবিজ্ঞান/প্রাণিবিদ্যা-৮<br>চ.বি মেডিকেল বোর্ড কর্তৃক<br>শারীরিক ফিটনেস পরীক্ষায় উত্তীর্ণ<br>হতে হবে। |
|  | পরিবেশ বিজ্ঞান                                 |                |  |  |
| জীববিজ্ঞান অনুষদ   | প্রাণিবিদ্যা                                   | --             | জীববিজ্ঞান বিষয়ে<br>কমপক্ষে গ্রেড পয়েন্ট<br>৩.০০ পেতে হবে।                             | প্রাণিবিদ্যা-৮   |
|  | উদ্ভিদবিজ্ঞান                                  |                | জীববিজ্ঞান বিষয়ে<br>কমপক্ষে গ্রেড পয়েন্ট<br>৩.০০ পেতে হবে।                             | উদ্ভিদবিজ্ঞান-৮  |
|  | ভূগোল ও<br>পরিবেশবিদ্যা                        |                | --   | --   |
|  | প্রাণরসায়ন ও<br>অণুপ্রাণ বিজ্ঞান              |                | জীববিজ্ঞান, রসায়ন ও<br>গণিত বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে। | উদ্ভিদবিজ্ঞান/প্রাণিবিদ্যা-৮<br>রসায়ন-৮   |
|  | মাইক্রোবায়োলজি                                |                | জীববিজ্ঞান, রসায়ন ও<br>গণিত বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে। | উদ্ভিদবিজ্ঞান/প্রাণিবিদ্যা-৮<br>রসায়ন-৮   |
|  | মৃত্তিকা বিজ্ঞান                               |                | রসায়ন ও জীববিজ্ঞান<br>বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে।       | উদ্ভিদবিজ্ঞান/প্রাণিবিদ্যা-৮<br>রসায়ন-৮   |
|  | জেনেটিক<br>ইঞ্জিনিয়ারিং এন্ড<br>বায়োটেকনোলজি |                | রসায়ন ও জীববিজ্ঞান<br>বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে।       | উদ্ভিদবিজ্ঞান/প্রাণিবিদ্যা-৮<br>রসায়ন-৮   |

|                        |   |    |   |  |
|------------------------|---|----|---|--|
|                        | মনোবিজ্ঞান  | -- | --  | --                                       |
|                        | ফার্মেসী  |    | জীববিজ্ঞান ও রসায়ন<br>বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে।      | উদ্ভিদবিজ্ঞান/প্রাণিবিদ্যা-৮<br>রসায়ন-৮ |
| ইঞ্জিনিয়ারিং<br>অনুষদ | কম্পিউটার সায়েন্স<br>এন্ড ইঞ্জিনিয়ারিং          | -- | পদার্থবিদ্যা ও গণিত উভয়<br>বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে। | গণিত-৮<br>পদার্থবিদ্যা-৮                 |
|                        | ইলেকট্রিক্যাল এন্ড<br>ইলেকট্রনিক<br>ইঞ্জিনিয়ারিং |    | পদার্থবিদ্যা ও গণিত উভয়<br>বিষয়ে আলাদাভাবে<br>কমপক্ষে গ্রেড পয়েন্ট<br>৩.০০ পেতে হবে। | গণিত-৮<br>পদার্থবিদ্যা-৮                 |

| A ইউনিট ভর্তি পরীক্ষার মান বন্টনঃ  |         |
|--|---------|
| বিষয়  | নম্বর   |
| বাংলা  | ১০      |
| ইংরেজি   | ১০      |
| পদার্থবিদ্যা, রসায়ন, গণিত, উদ্ভিদবিজ্ঞান, প্রাণিবিদ্যা,<br>পরিসংখ্যান ও আই.সি.টি.<br>(ভর্তিচ্ছু প্রার্থীকে অনুষদ/বিভাগ এর চাহিদা অনুযায়ী<br>চারটি বিষয়ে উত্তর দিতে হবে) | ২০×৪=৮০ |
| মোট নম্বর  | ১০০     |
| পাশ নম্বরঃ ৪০।   |         |

#### ৫। মেধাস্কোর ও মেধাক্রমঃ

ভর্তি পরীক্ষায় মোট প্রাপ্ত নম্বর থেকে প্রতিটি ভুল উত্তরের জন্য ০.২৫ নম্বর কর্তন করা হবে। ১০০ (একশত) নম্বরের ভর্তি পরীক্ষায় সাধারণ আসনে ৪০ ও তদুর্ধ্ব নম্বর প্রাপ্তদের এবং কোটার আসনে ৩৫ ও তদুর্ধ্ব নম্বর প্রাপ্তদের তালিকা তৈরী করে প্রাপ্ত নম্বরের সাথে মাধ্যমিকের (৪র্থ বিষয়সহ) মোট জিপিএ'র ৪০% ও উচ্চ মাধ্যমিকের (৪র্থ বিষয়সহ) মোট জিপিএ'র ৬০% যোগ করে সর্বমোট ১২০ (একশত বিশ) নম্বরে ফলাফল চূড়ান্ত করে উত্তীর্ণ তালিকা মেধাক্রমানুসারে প্রস্তুত করা হবে।

মেধাস্কোর সমান হলে নিম্নলিখিত ক্রমানুসারে মেধাক্রম তৈরী করা হবেঃ

- ভর্তি পরীক্ষায় প্রাপ্ত নম্বর
- ভর্তি পরীক্ষায় ইংরেজিতে প্রাপ্ত নম্বর
- ভর্তি পরীক্ষায় বাংলায় প্রাপ্ত নম্বর
- ভর্তি পরীক্ষায় রসায়ন এবং/ অথবা পদার্থবিদ্যা বিষয়ে প্রাপ্ত নম্বর
- ভর্তি পরীক্ষায় গণিত/উদ্ভিদবিজ্ঞান/প্রাণিবিদ্যা/পরিসংখ্যান/আই.সি.টি. বিষয়ে প্রাপ্ত নম্বর

A ইউনিটে ভর্তি সংক্রান্ত তথ্যাবলীর জন্য যোগাযোগের ঠিকানাঃ

বিজ্ঞান অনুষদ কার্যালয়, চট্টগ্রাম বিশ্ববিদ্যালয়।

ফোনঃ PABX : ২৬০৬০০১-১০, ২৬০৬০১৫-২৭, Ext: ৪২৯৪

মোবাইল নম্বরঃ ০১৫৫৫৫৫১৩৫ (বিজ্ঞান অনুষদ), ০১৫৫৫৫৫১৪২ (জীববিজ্ঞান অনুষদ),  
০১৫৫৫৫৫১৫৬ (ইঞ্জিনিয়ারিং অনুষদ)


হেল্প ডেস্কঃ (সকাল ৯:০০ টা থেকে সন্ধ্যা ৬:০০ টা পর্যন্ত)

আইসিটি কেন্দ্র, আই.টি ভবন (কক্ষ নং-২০১), চট্টগ্রাম বিশ্ববিদ্যালয়।

ফোনঃ PABX : ২৬০৬০০১-১০, ২৬০৬০১৫-২৭, Ext: ৪২৫৯

E-mail: [admission@cu.ac.bd](mailto:admission@cu.ac.bd)


মোবাইল নম্বরঃ ০১৫৫৫৫৫১৪০, ০১৫৫৫৫৫১৪১




## চট্টগ্রাম বিশ্ববিদ্যালয়

২০১৭-২০১৮ শিক্ষাবর্ষে ১ম বর্ষ স্নাতক (সম্মান) কোর্সে ভর্তি পরীক্ষা ও ভর্তির নিয়মাবলীঃ

|    |  |
|----|--|
| ১. | এক ঘণ্টা ব্যাপী একশত নম্বরের ভর্তি পরীক্ষা MCQ পদ্ধতিতে নেয়া হবে। তবে চারুকলা ইনস্টিটিউট, নাট্যকলা, সংগীত এবং ফিজিক্যাল এডুকেশন এন্ড স্পোর্টস সায়েন্স বিভাগের ভর্তি পরীক্ষা MCQ এবং ব্যবহারিক উভয় পদ্ধতির সমন্বয়ে নেয়া হবে।   |
| ২. | ভর্তি পরীক্ষায় মোট প্রাপ্ত নম্বর থেকে প্রতিটি ভুল উত্তরের জন্য ০.২৫ নম্বর কটন করা হবে। ১০০ (একশত) নম্বরের ভর্তি পরীক্ষায় সাধারণ আসনে ৪০ ও তদুর্ধ্ব নম্বর প্রাপ্তদের এবং কোটার আসনে ৩৫ ও তদুর্ধ্ব নম্বর প্রাপ্তদের তালিকা তৈরী করে প্রাপ্ত নম্বরের সাথে মাধ্যমিকের (৪র্থ বিষয়সহ) মোট জিপিএ'র ৪০% ও উচ্চ মাধ্যমিকের (৪র্থ বিষয়সহ) মোট জিপিএ'র ৬০% যোগ করে সর্বমোট ১২০ (একশত বিশ) নম্বরে ফলাফল চূড়ান্ত করে উত্তীর্ণ তালিকা মেধাক্রমানুসারে প্রস্তুত করে ফলাফল প্রকাশ করা হবে।  |
| ৩. | প্রশ্নপত্র (ইংরেজি বিষয় ছাড়া) সাধারণত বাংলায় প্রণীত হবে। তবে কোন ইউনিটে ইংরেজি মিডিয়ামের ভর্তিচ্ছু শিক্ষার্থী থাকলে তাদের জন্য সেই ইউনিটে বাংলা প্রণীত প্রশ্নপত্রের ইংরেজি অনূদিত প্রশ্নপত্র সরবরাহ করা হবে।   |
| ৪. | জাতীয় শিক্ষা কার্যক্রমের অধীনে যারা ইংরেজি মাধ্যমে মাধ্যমিক ও উচ্চ মাধ্যমিক পাশ করেছে, তাদের মধ্যে যে সকল ছাত্র/ছাত্রী ভর্তি পরীক্ষা ইংরেজি মাধ্যমে দিতে আগ্রহী তাদেরকে প্রবেশপত্র সংগ্রহপূর্বক প্রবেশপত্রের ফটোকপিসহ ২২ অক্টোবর ২০১৭ তারিখের মধ্যে সংশ্লিষ্ট ইউনিট অফিসে আবেদন করতে হবে।<br>GCE O/A লেভেলের শিক্ষার্থী ও ইংরেজি মাধ্যমে ভর্তি পরীক্ষা দিতে ইচ্ছুক শিক্ষার্থীদেরকে প্রবেশপত্র সংগ্রহপূর্বক প্রবেশপত্রের ফটোকপিসহ ২৪ অক্টোবর ২০১৭ তারিখের মধ্যে সংশ্লিষ্ট ইউনিট অফিসে যোগাযোগ করে সিট প্ল্যান নিজ দায়িত্বে জেনে নিতে হবে। |
| ৫. | ভর্তিচ্ছু সকল ছাত্র/ছাত্রীকে ভর্তি পরীক্ষা সম্পর্কিত সকল তথ্য নিজ দায়িত্বে সংশ্লিষ্ট ইউনিট অফিস থেকে অথবা চ.বি. ভর্তির ওয়েবসাইট থেকে ( <a href="http://admission.eis.cu.ac.bd">http://admission.eis.cu.ac.bd</a> ) জেনে নিতে হবে। চিঠির মাধ্যমে কোন প্রার্থীকে কিছু জানানো হবে না।   |
| ৬. | ভর্তি পরীক্ষার সিট প্ল্যান স্ব স্ব ইউনিট অফিসের নোটিশ বোর্ডে এবং চ.বি. ভর্তির ওয়েবসাইটে ( <a href="http://admission.eis.cu.ac.bd">http://admission.eis.cu.ac.bd</a> ) প্রচার করা হবে। ছাত্র/ছাত্রীকে নিজ দায়িত্বে নির্ধারিত কক্ষ নম্বর ও আসন সম্পর্কিত তথ্য জেনে নিয়ে পরীক্ষার দিন নির্দিষ্ট কক্ষ ও আসনে বসে পরীক্ষা দিতে হবে।  |
| ৭. | ভর্তি পরীক্ষার ৪৮ ঘণ্টা পূর্বে থেকে বিস্তারিত আসন বিন্যাস চট্টগ্রাম বিশ্ববিদ্যালয়ের ভর্তির ওয়েব সাইটে ( <a href="http://admission.eis.cu.ac.bd">http://admission.eis.cu.ac.bd</a> ) দেখা যাবে। এছাড়া আবেদনকারী প্রবেশপত্রের নির্দেশনা অনুযায়ী এসএমএস এর মাধ্যমে নিজ নিজ আসন বিন্যাস জানতে পারবেন।  |
| ৮. | ভর্তি পরীক্ষার সময় ভর্তিচ্ছু প্রার্থীর দুই কপি পাসপোর্ট সাইজের সত্যায়িত ছবি, উচ্চ মাধ্যমিক বা সমমান পরীক্ষার মূল রেজিস্ট্রেশন কার্ড, A লেভেলের Statement of Entry এর মূলকপি এবং ডাউনলোডকৃত দুই কপি প্রবেশপত্র পরীক্ষার হলে অবশ্যই সঙ্গে নিয়ে আসতে হবে।  |
| ৯. | ভর্তি পরীক্ষার উত্তরপত্র চট্টগ্রাম বিশ্ববিদ্যালয় কর্তৃপক্ষ সরবরাহ করবে। উত্তরপত্রের বৃত্তগুলো শুধুমাত্র কালো কালির বল পেন দ্বারা ভরাট করতে হবে, যাতে বৃত্তের লেখাগুলো দেখা না যায়। অন্য কালি দিয়ে বৃত্ত ভরাট করা যাবে না।   |



|     |  |
|-----|--|
| ১০. | ভর্তি পরীক্ষার উত্তরপত্র কম্পিউটারের মাধ্যমে মূল্যায়ন করা হবে। তাই এটি ভাঁজ করা বা স্ট্যাপল করা বা এর সাথে কিছু যুক্ত করা বা এতে কোন অবাঞ্ছিত দাগ দেয়া যাবে না।  |
| ১১. | উত্তরপত্রে Roll No. ও Serial No. না লিখলে বা ভুল লিখলে বা ঘষামাজা করলে উত্তরপত্র বাতিল বলে গণ্য হবে।   |
| ১২. | চট্টগ্রাম বিশ্ববিদ্যালয়ে ১ম বর্ষ স্নাতক (সম্মান) শ্রেণিতে ২০১৭-২০১৮ শিক্ষাবর্ষে সকল ইউনিটের ভর্তি প্রার্থীরা পরীক্ষা কেন্দ্রে সাধারণ মানের (মেমরী অপশন ব্যতীত) ক্যালকুলেটর ব্যবহার করতে পারবেন। পরীক্ষার হলে প্রার্থীর মোবাইল ফোন, Calculator with Memory Option, Electronic Device সম্বলিত ঘড়ি ও কলম বা যে কোন ধরনের Device সঙ্গে রাখা সম্পূর্ণভাবে নিষিদ্ধ। পরীক্ষার হলে কোন প্রার্থীর কাছে এরূপ যে কোন প্রকার ডিভাইস পাওয়া গেলে, প্রার্থী ব্যবহার করুক বা না করুক প্রার্থীকে বহিস্কার করা হবে।   |
| ১৩. | কোন প্রার্থী অন্যের ছবি/নম্বরপত্র ব্যবহার করলে অথবা অন্য যেকোন অসদুপায় অবলম্বন করলে তার পরীক্ষা বাতিল এবং তার বিরুদ্ধে আইনানুগ ব্যবস্থা গ্রহণ করা হবে।  |
| ১৪. | প্রশ্নির মাধ্যমে কেউ ভর্তি পরীক্ষায় অংশ নিলে তার ভর্তি পরীক্ষা বাতিল করা হবে এবং তাকে আইন শৃঙ্খলা রক্ষাকারী বাহিনীর কাছে সোপর্দ করা হবে।  |
| ১৫. | ভর্তি প্রক্রিয়ার যে কোন পর্যায়ে এমনকি ভর্তি প্রক্রিয়া সম্পন্ন করার পরও ভর্তির জন্য প্রদত্ত তথ্যাদিতে যদি কোনো ভুল ধরা পড়ে অথবা যদি দেখা যায় যে, প্রার্থীর ভর্তির জন্য ন্যূনতম যোগ্যতা নেই, তাহলে প্রার্থীর ভর্তি পরীক্ষায় অংশগ্রহণের অনুমতি এবং/ অথবা ভর্তি পরীক্ষা এবং/অথবা বিভাগ/বিষয় মনোনয়ন বাতিল হবে।  |
| ১৬. | মেধাস্কোরের ভিত্তিতে নির্ণীত মেধাক্রম অনুযায়ী উত্তীর্ণ প্রার্থীদের মেধা তালিকা ও ফলাফল ভর্তি পরীক্ষার পরে যথোপযুক্ত দিনের মধ্যে চট্টগ্রাম বিশ্ববিদ্যালয়ের ভর্তির ওয়েব সাইটে ( <a href="http://admission.eis.cu.ac.bd">http://admission.eis.cu.ac.bd</a> ) পাওয়া যাবে।  |
| ১৭. | মেধা তালিকা প্রকাশের পর নির্দিষ্ট তারিখের মধ্যে অনলাইনে বিষয়/বিভাগ Choice ফরম পূরণ করতে হবে। বিভাগ পছন্দের ক্ষেত্রে অনলাইনে যে বিভাগগুলো প্রদর্শিত হবে সেখান থেকে পছন্দ অনুযায়ী ক্রমানুসারে উল্লেখ করতে হবে এবং অনলাইনে প্রদর্শিত সব কয়টি বিভাগই পছন্দের তালিকায় থাকতে হবে।<br>পরবর্তীতে Choice এবং ভর্তি পরীক্ষার মেধাক্রম ও ভর্তির যোগ্যতা অনুসারে বিভাগ বন্টনের তথ্য সংশ্লিষ্ট ইউনিটের নোটিশ বোর্ডে দেয়া হবে। উক্ত তথ্য চট্টগ্রাম বিশ্ববিদ্যালয়ের ভর্তির ওয়েব সাইটেও ( <a href="http://admission.eis.cu.ac.bd">http://admission.eis.cu.ac.bd</a> ) দেখা যাবে। এ ছাড়া ভর্তিচ্ছু প্রার্থীকে তার জন্য নির্ধারিত তারিখ অনুযায়ী SSC এবং HSC এর মূল নম্বরফর্দসহ সংশ্লিষ্ট ইউনিট অফিসে উপস্থিত হতে হবে। চূড়ান্তভাবে ভর্তির জন্য মনোনীত প্রার্থীর ক্ষেত্রে SSC এবং HSC এর মূল নম্বরফর্দ জমা রাখা হবে। |
| ১৮. | ভর্তির জন্য চূড়ান্তভাবে নির্বাচিত প্রার্থীদেরকে ভর্তি ফরমের সঙ্গে অন্যান্য প্রয়োজনীয় কাগজপত্রসহ সর্বশেষ যে শিক্ষা প্রতিষ্ঠান থেকে উত্তীর্ণ হয়েছে, সেই প্রতিষ্ঠান প্রধানের প্রশংসাপত্র জমা দিতে হবে। তাছাড়া অভিভাবকের বাৎসরিক আয়ের সনদপত্রও জমা দিতে হবে।   |
| ১৯. | ভর্তি পরীক্ষা পরিচালনার ক্ষেত্রে আকস্মিক কোন সমস্যা দেখা দিলে তা নিরসনে বিশ্ববিদ্যালয় কর্তৃপক্ষের সিদ্ধান্ত চূড়ান্ত বলে গণ্য হবে।  |





|     |  |
|-----|--|
| ২০. | ভর্তি সংক্রান্ত যে কোন নিয়ম-নীতি পরিবর্তন, সংশোধন, সংযোজন ও বাতিলের অধিকার কর্তৃপক্ষ সংরক্ষণ করে।   |
| ২১. | <b>কোটায় ভর্তির নিয়মাবলীঃ</b>  |
|     | <p>এ বিশ্ববিদ্যালয়ে ১ম বর্ষ স্নাতক (সম্মান) শ্রেণিতে সাধারণ আসন ছাড়াও নিম্নোক্ত পর্যায়ের কোটায় ছাত্র/ছাত্রী ভর্তি করা হবে। সাধারণ আসনে ছাত্র/ছাত্রী ভর্তির যে যোগ্যতা নির্ধারিত আছে, কোটায় ভর্তিচ্ছু ছাত্র/ছাত্রীদের একই যোগ্যতা থাকতে হবে। এছাড়াও নিম্নে যে কোটার জন্য যে শর্ত আরোপ করা হয়েছে, তাদের তাও অবশ্যই পূরণ করতে হবে।</p> <p>শারীরিক প্রতিবন্ধী কোটা ছাড়া অন্যান্য সকল কোটায় ছাত্র/ছাত্রীদের মধ্যে যারা ভর্তি পরীক্ষায় ন্যূনতম ৩৫ নম্বর পাবে তাদেরকে উত্তীর্ণ হিসেবে গন্য করা হবে। এক্ষেত্রে বিষয় ভিত্তিক পাশের বাধ্যবাধকতা থাকবে না। উত্তীর্ণদের প্রাপ্ত নম্বরের সাথে মাধ্যমিকের (৪র্থ বিষয়সহ) মোট জিপিএ'র ৪০% ও উচ্চ মাধ্যমিকের (৪র্থ বিষয়সহ) মোট জিপিএ'র ৬০% যোগ করে সর্বমোট ১২০ নম্বরে ফলাফল চূড়ান্ত করে অগ্রাধিকার ভিত্তিতে মেধাক্রমানুসারে ভর্তি করা হবে।</p> <p>ভর্তি নির্দেশিকায় উল্লিখিত যোগ্যতা সম্পন্ন ছাত্র/ছাত্রীরা সকল অনুষদের অন্তর্গত বিভাগ/ইনস্টিটিউটে মুক্তিযোদ্ধা সন্তান-সন্ততি, নৃ-গোষ্ঠী (উপজাতি), অ-উপজাতি, ওয়ার্ড, বিকেএসপি এবং দলিত জনগোষ্ঠী কোটায় ভর্তির জন্য আবেদন করতে পারবে। তবে কলা ও মানববিদ্যা অনুষদ, সমাজ বিজ্ঞান অনুষদ ও জীববিজ্ঞান অনুষদের অন্তর্গত বিভাগ এবং ইনস্টিটিউট অব মেরিন সায়েন্সেস অ্যান্ড ফিশারিজ এ ভর্তির জন্য অনগ্রসর ক্ষুদ্র নৃ-গোষ্ঠী কোটায় ভর্তির জন্য আবেদন করা যাবে। বিজ্ঞান অনুষদের অন্তর্গত গণিত/পরিসংখ্যান বিভাগে এবং কলা ও মানববিদ্যা অনুষদ, ব্যবসায় প্রশাসন অনুষদ, সমাজ বিজ্ঞান অনুষদ ও আইন অনুষদের অন্তর্গত বিভাগে শারীরিক প্রতিবন্ধী কোটায় ভর্তির জন্য আবেদন করা যাবে। শিক্ষা অনুষদের অন্তর্গত ফিজিক্যাল এডুকেশন এন্ড স্পোর্টস সায়েন্স বিভাগে পেশাদার খেলোয়াড় কোটায় ভর্তির জন্য আবেদন করা যাবে।</p> |
| (ক) | <b>মুক্তিযোদ্ধা সন্তান-সন্ততি কোটাঃ</b>  |
|     | <p>এ কোটায় ভর্তির বেলায় মুক্তিযোদ্ধা/শহীদ মুক্তিযোদ্ধাদের পুত্র/কন্যা এবং পুত্র/কন্যা পাওয়া না গেলে পুত্র-কন্যার পুত্র/কন্যাদের ভর্তি করা হবে। এ কোটায় উত্তীর্ণদের সাক্ষাৎকার গ্রহণের সময় মুক্তিযোদ্ধা/শহীদ মুক্তিযোদ্ধার পুত্র/কন্যা এবং পুত্র/কন্যার পুত্র/কন্যাদের (নাতি/নাতনি) আলাদাভাবে মেধা তালিকা তৈরী করা হবে। আসন খালি থাকা সাপেক্ষে মুক্তিযোদ্ধা/শহীদ মুক্তিযোদ্ধাদের নাতি/নাতিনীকে মেধাক্রমানুসারে ভর্তি করা হবে।</p> <p>এ কোটায় ভর্তিচ্ছু ছাত্র/ছাত্রীদেরকে তাদের পিতা-মাতা/দাদা-দাদী/নানা-নানী মহান মুক্তিযুদ্ধে অংশগ্রহণের প্রমাণ হিসেবে গণপ্রজাতন্ত্রী বাংলাদেশ সরকারের মুক্তিযুদ্ধ বিষয়ক মন্ত্রণালয়ের সচিব ও মাননীয় মন্ত্রী/প্রতিমন্ত্রী স্বাক্ষরিত মন্ত্রণালয় কর্তৃক ইস্যুকৃত সনদপত্র অথবা ১৯৯৭ সন থেকে ২০০১ সন পর্যন্ত বাংলাদেশ মুক্তিযোদ্ধা সংসদের অধীনে তৎকালীন প্রধানমন্ত্রী স্বাক্ষরিত সনদপত্রের মূলকপি ও সত্যায়িত ফটোকপি এবং যথাযথ ওয়ারিশ সনদ সাক্ষাৎকারের সময় জমা দিতে হবে। যাদের মুক্তিযুদ্ধ বিষয়ক মন্ত্রণালয়ের সনদ নেই কিন্তু সনদের জন্য আবেদন করেছে তাদের ক্ষেত্রে মুক্তিযুদ্ধ বিষয়ক মন্ত্রণালয় কর্তৃক</p>   |

|     |   |
|-----|---|
|     | <p>ইস্যুকৃত প্রত্যয়নপত্র জমা দিতে হবে। তবে ভর্তির সময় অবশ্যই সনদের মূলকপি দেওয়ার অঙ্গীকারপত্র জমা দিতে হবে। নির্দিষ্ট সময়ের মধ্যে মূল সনদপত্র জমা দিতে ব্যর্থ হলে ভর্তি সরাসরি বাতিল বলে গণ্য হবে।</p> <p>মুক্তিযোদ্ধা সন্তান-সন্ততি কোটায় ভর্তিকৃত ছাত্র/ছাত্রীদের প্রদত্ত সনদপত্রের কপি মুক্তিযুদ্ধ বিষয়ক মন্ত্রণালয় থেকে যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।</p>   |
| (খ) | <p><b>ওয়ার্ড কোটাঃ</b></p> <p>এ বিশ্ববিদ্যালয়ে চাকুরীরত এবং যে কোন প্রকার ছুটিতে থাকা (পিআরএলসহ) শিক্ষক/অফিসার/কর্মচারীদের সন্তান (পোষ্য ছাড়া) এবং স্বামী/স্ত্রীকে ওয়ার্ড হিসেবে গণ্য করা হবে। চাকুরীরত অবস্থায় মৃত্যুবরণকারী শিক্ষক/অফিসার/কর্মচারীদের সন্তান বা স্বামী/স্ত্রীকে উক্ত মৃত্যুবরণকারীর চাকুরীর বয়সসীমা পর্যন্ত ওয়ার্ড হিসেবে গণ্য করা হবে।</p> <p>এ কোটায় প্রতি বিভাগ/ইনস্টিটিউটে একটি আসন চ.বি. শিক্ষকদের ওয়ার্ডের জন্য এবং প্রতি অনুষদে একটি আসন চ.বি. কর্মকর্তাদের ওয়ার্ডের জন্য সংরক্ষিত থাকবে।</p> <p>এ পর্যায়ে ছাত্র/ছাত্রীদের তাদের পিতা/মাতা/স্বামী/স্ত্রী যে বিভাগ/অফিস/ইনস্টিটিউটে কর্মরত আছেন সে বিভাগীয় সভাপতি/অফিস প্রধান/ইনস্টিটিউটের পরিচালকের নিকট হতে সার্টিফিকেট সংগ্রহ করে সাক্ষাৎকারের দিন জমা দিতে হবে।</p> |
| (গ) | <p><b>নৃ-গোষ্ঠী (উপজাতি) কোটাঃ</b></p> <p>এ কোটায় ভর্তিচ্ছু ছাত্র/ছাত্রীকে তারা পার্বত্য চট্টগ্রামের কোন্ নৃ-গোষ্ঠী (উপজাতি)/জাতি গোষ্ঠীর অধিবাসী তা তাদের স্ব স্ব সার্কেল চীফ/জেলা প্রশাসক এর নিকট থেকে সনদপত্র সংগ্রহ করে তা সাক্ষাৎকারের সময় জমা দিতে হবে।</p> <p>এ কোটায় অনুষদের মোট আসন সংখ্যার অর্ধেক আসন চাকমাদের জন্য এবং বাকী অর্ধেক আসন অন্য নৃ-গোষ্ঠীদের জন্য সংরক্ষিত থাকবে। তবে মোট আসন সংখ্যা বিজোড় হলে সর্বশেষ একটি আসনে অন্য নৃ-গোষ্ঠীকে প্রাধান্য দেয়া হবে।</p> <p>নৃ-গোষ্ঠী কোটায় ভর্তিকৃত ছাত্র-ছাত্রীদের প্রদত্ত সনদের কপি স্ব স্ব জেলা প্রশাসকের অফিস থেকে যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।</p>  |
| (ঘ) | <p><b>অ-উপজাতি কোটাঃ</b></p> <p>পার্বত্য চট্টগ্রামে বসবাসরত বাঙালীরা এ কোটায় অন্তর্ভুক্ত হবে। এ কোটায় ভর্তিচ্ছু ছাত্র/ছাত্রীদের পার্বত্য জেলায় অবস্থিত সংশ্লিষ্ট শিক্ষা প্রতিষ্ঠান থেকে মাধ্যমিক বা সমমান এবং উচ্চ মাধ্যমিক বা সমমান পরীক্ষায় উত্তীর্ণ হতে হবে এবং তাদের স্ব স্ব জেলা প্রশাসকের নিকট থেকে পার্বত্য জেলায় স্থায়ীভাবে বসবাসের সনদপত্র গ্রহণ করে তা অবশ্যই সাক্ষাৎকারের দিন জমা দিতে হবে।</p> <p>অ-উপজাতি কোটায় ভর্তিকৃত ছাত্র-ছাত্রীদের প্রদত্ত অ-উপজাতি সনদের কপি স্ব স্ব জেলা প্রশাসকের অফিস থেকে যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।</p>   |
| (ঙ) | <p><b>বিকেএসপি কোটাঃ</b></p> <p>এ কোটায় শুধুমাত্র বাংলাদেশ ক্রীড়া শিক্ষা প্রতিষ্ঠান (বিকেএসপি) থেকে উচ্চ মাধ্যমিক পরীক্ষায় উত্তীর্ণ ছাত্র/ছাত্রীরা ভর্তির জন্য আবেদন করতে পারবে। এ কোটায় ভর্তিকৃত ছাত্র-ছাত্রীদের বাংলাদেশ ক্রীড়া শিক্ষা প্রতিষ্ঠান (বিকেএসপি) কর্তৃক ইস্যুকৃত সনদপত্রের কপি সাক্ষাৎকারের দিন জমা দিতে হবে।</p>  |

|     |  |
|-----|--|
|     | বিকেএসপি কোটায় ভর্তিকৃত ছাত্র-ছাত্রীদের প্রদত্ত সনদের কপি বিকেএসপি অফিস থেকে যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।   |
| (চ) | <b>অনগ্রসর ক্ষুদ্র নৃ-গোষ্ঠী কোটাঃ</b>   |
|     | <p>পার্বত্য চট্টগ্রামের বাইরের অন্যান্য অনগ্রসর ক্ষুদ্র জাতিগোষ্ঠী যারা বাঙালী নয় (যেমনঃ হাজং, গারো, সাওতাল, মনিপুরি প্রভৃতি জাতিগোষ্ঠী) তারা এ কোটায় অন্তর্ভুক্ত হবে। এ কোটায় ভর্তিচ্ছু ছাত্র/ছাত্রীদেরকে তারা কোন্ জাতিগোষ্ঠীর অধিবাসী তা তাদের স্ব স্ব সার্কুল চীফ/জেলা প্রশাসক এর নিকট থেকে সনদপত্র সংগ্রহ করে সাক্ষাৎকারের দিন জমা দিতে হবে। এছাড়া তাদের স্ব স্ব জেলা প্রশাসক/উপজেলা নির্বাহী কর্মকর্তা/স্থানীয় সরকার জনপ্রতিনিধি এর নিকট থেকে পার্বত্য চট্টগ্রামের বাইরে স্থায়ী বাসিন্দার সনদপত্র সংগ্রহ করে সাক্ষাৎকারের দিন জমা দিতে হবে।</p> <p>এ কোটায় ভর্তিকৃত ছাত্র/ছাত্রীদের প্রদত্ত সনদের কপি যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।</p> <p>ইনস্টিটিউট অব মেরিন সায়েন্সেস অ্যান্ড ফিশারিজ এবং কলা মানববিদ্যা অনুষদ, সমাজ বিজ্ঞান অনুষদ ও জীববিজ্ঞান অনুষদের অন্তর্গত বিভাগে ভর্তির জন্য এ কোটায় আবেদন করা যাবে।</p>   |
| (ছ) | <b>শারীরিক প্রতিবন্ধী কোটাঃ (দৃষ্টি, বাক ও শ্রবণ)</b>  |
|     | <p>এ কোটায় ভর্তিচ্ছু ছাত্র/ছাত্রীদের ক্ষেত্রে যথাযথ কর্তৃপক্ষের সঠিকতার সনদপত্র জমা দেয়ার পর যাচাই/বাহাই সাপেক্ষে স্ব স্ব ইউনিট কর্তৃক ভর্তি যোগ্য প্রার্থীদের মেধাতালিকা তৈরী করা হবে। এ কোটায় ভর্তিচ্ছু ছাত্র/ছাত্রীদের লিখিত ভর্তি পরীক্ষায় অংশগ্রহণ করতে হবে না। যাদের মাধ্যমিক বা সমমান এবং উচ্চ মাধ্যমিক বা সমমান উভয় পরীক্ষায় চতুর্থ বিষয়সহ মোট জিপিএ ৫.২৫ আছে তাদেরকে মেধাক্রমানুসারে সরাসরি ভর্তির জন্য নির্বাচন করা হবে। তবে ভর্তিচ্ছু প্রার্থীর সংখ্যা নির্ধারিত আসন সংখ্যার চেয়ে বেশি হলে মৌখিক পরীক্ষার মাধ্যমে মেধাক্রমানুসারে ছাত্র/ছাত্রী নির্বাচন করা হবে।</p> <p>কলা ও মানববিদ্যা অনুষদ, বিজ্ঞান অনুষদের অন্তর্গত গণিত/পরিসংখ্যান বিভাগ, ব্যবসায় প্রশাসন অনুষদ, সমাজ বিজ্ঞান অনুষদ ও আইন অনুষদের অন্তর্গত বিভাগে ভর্তির জন্য এ কোটায় আবেদন করা যাবে।</p>   |
| (জ) | <b>পেশাদার খেলোয়াড় কোটাঃ</b>   |
|     | <p>এ কোটায় ভর্তিচ্ছু ছাত্র/ছাত্রীদের জাতীয় দল/ঢাকা কেন্দ্রীক শীর্ষস্থানীয় লীগের (যেমন: প্রিমিয়ার ডিভিশন লীগ, বি লীগ, প্রফেশনাল লীগ) খেলোয়াড় হতে হবে।</p> <p>এ কোটায় ভর্তিচ্ছু ছাত্র/ছাত্রীদের নিম্নেবর্ণিত প্রত্যয়নপত্র থাকতে হবেঃ</p> <ol style="list-style-type: none"> <li>১. সংশ্লিষ্ট খেলার জাতীয় ফেডারেশনের সাধারণ সম্পাদক কর্তৃক খেলায় অংশগ্রহণ সংক্রান্ত প্রত্যয়নপত্র।</li> <li>২. সংশ্লিষ্ট খেলোয়াড়ের ফেডারেশন প্রদত্ত খেলোয়াড় রেজিস্ট্রেশন কার্ড/পরিচয় পত্র।</li> <li>৩. সংশ্লিষ্ট ক্লাবের সাধারণ সম্পাদক কর্তৃক উক্ত ক্লাবের খেলোয়াড় সংক্রান্ত প্রত্যয়ন পত্র।</li> </ol> <p>সংশ্লিষ্ট ছাত্র/ছাত্রীকে ব্যবহারিক পরীক্ষার পূর্বে উল্লিখিত প্রত্যয়নপত্রসমূহ যাচাই করার জন্য সংশ্লিষ্ট ইউনিট অফিসে জমা দিতে হবে।</p> <p>এ কোটায় ভর্তিকৃত ছাত্র/ছাত্রীদের প্রদত্ত প্রত্যয়নপত্রের কপি যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।</p> <p>এ কোটায় শুধুমাত্র শিক্ষা অনুষদভুক্ত ফিজিক্যাল এডুকেশন এন্ড স্পোর্টস সায়েন্স বিভাগে ভর্তির জন্য ছাত্র/ছাত্রীরা আবেদন করতে পারবে।</p> |

|      |  |
|------|--|
| (ঝ)  | দলিত জনগোষ্ঠী কোটাঃ  |
|      | সামাজিক ও অর্থনৈতিকভাবে নিম্নপস্থিত প্রান্তিক জনগোষ্ঠী (যেমনঃ মেথর, হরিজন, বেদে, হিজড়া প্রভৃতি জনগোষ্ঠী) এ কোটার অন্তর্ভুক্ত হবে। এ কোটায় ভর্তিচ্ছু ছাত্র/ছাত্রীদেরকে তারা কোন্ জনগোষ্ঠীর অধিবাসী তা তাদের স্ব স্ব সার্কেল চীফ/জেলা প্রশাসক/স্থানীয় সরকার জনপ্রতিনিধি এর নিকট থেকে সনদপত্র সংগ্রহ করে সাক্ষাৎকারের দিন জমা দিতে হবে।<br>এ কোটায় ভর্তিকৃত ছাত্র/ছাত্রীদের প্রদত্ত সনদপত্রের কপি যাচাইয়ের নিমিত্ত সংশ্লিষ্ট ইউনিট অফিস একাডেমিক শাখায় প্রেরণ করবেন।  |
|      | বি.দ্রঃ কোটায় ভর্তিচ্ছু প্রার্থীদের নির্বাচন মাননীয় সভাপতি, ভর্তি কমিটি, চ.বি.এর সভাপতিত্বে ২০১৭-২০১৮ শিক্ষাবর্ষে ১ম বর্ষ স্নাতক (সম্মান) শ্রেণিতে ভর্তি সংক্রান্ত ডিনবৃন্দের সভার মাধ্যমে সম্পন্ন করা হবে।  |
| ২২.  | ভর্তির অন্যান্য বিশেষ নিয়মাবলীঃ   |
| ২২.১ | ভর্তির জন্য নির্বাচিত প্রার্থীদেরকে নিম্নে বর্ণিত প্রক্রিয়া অনুসরণ করে ভর্তি সম্পন্ন করতে হবেঃ  |
| (ক)  | ইউনিট ভর্তি কমিটির কো-অর্ডিনেটর কর্তৃক নির্ধারিত তারিখের মধ্যে নির্বাচিত প্রার্থীকে সংশ্লিষ্ট বিভাগ/ইনস্টিটিউট অফিস হতে ভর্তির মূল ফরম সংগ্রহ করতে হবে।  |
| (খ)  | এই মূল ভর্তি ফরমটি যথাযথভাবে পূরণ করে সংশ্লিষ্ট বিভাগ/ইনস্টিটিউট অফিসে জমা দিতে হবে।   |
| (গ)  | সংশ্লিষ্ট ইউনিট কো-অর্ডিনেটর কর্তৃক নির্ধারিত নির্দিষ্ট তারিখের মধ্যে ধার্যকৃত ভর্তি ফিস অগ্রণী ব্যাংক, চট্টগ্রাম বিশ্ববিদ্যালয় শাখায় জমা দিতে হবে।  |
| (ঘ)  | ব্যাংকে ফিস জমা দেয়ার প্রমাণ স্বরূপ ব্যাংক রসিদের একটি ফটোকপি/অনুলিপি সংশ্লিষ্ট বিভাগ/ইনস্টিটিউট অফিসে সর্বশেষে জমা দিয়ে ভর্তি প্রক্রিয়া সম্পন্ন করতে হবে।  |
|      | বি.দ্রঃ (১) কোন ছাত্র/ছাত্রী কর্তৃপক্ষ কর্তৃক নির্ধারিত তারিখের মধ্যে ব্যাংকে ভর্তি ফিস জমা না দিলে ; (যে কোন কারণেই হোক না কেন) পরবর্তীতে তার ভর্তির বিষয়টি আর বিবেচনা করা হবে না।<br>(২) ভর্তি ফিস ব্যাংকে জমা দেয়ার পর ব্যাংক স্লিপের একটি ফটোকপি সংশ্লিষ্ট বিভাগ/ইনস্টিটিউট অফিসে জমা দিলেই সংশ্লিষ্ট ছাত্র/ছাত্রীর ভর্তি প্রক্রিয়া শেষ হবে। ভর্তি ফিস ব্যাংকে জমা দেয়ার পর দিন বিভাগ/ইনস্টিটিউট অফিসে ব্যাংক স্লিপের ফটোকপি জমা না দিলে তার ভর্তি বাতিল বলে গণ্য হবে।<br>(৩) কোন ফিস জমা দেওয়ার নির্ধারিত শেষ তারিখের দিন কোন কারণে বিশ্ববিদ্যালয়ের অফিস বা অগ্রণী ব্যাংক, চট্টগ্রাম বিশ্ববিদ্যালয় শাখা বন্ধ থাকলে অথবা অফিস বা ব্যাংকে কাজ না চললে সেক্ষেত্রে অব্যবহিত পরবর্তী কর্মদিবসই সংশ্লিষ্ট ফিস জমা দেয়ার শেষ সময় হিসেবে গণ্য হবে। |
| ২২.২ | মেধা তালিকার ছাত্র/ছাত্রীদের ভর্তির নির্ধারিত সময় শেষে যদি কোন বিভাগে ভর্তির আসন খালি থাকে সে ক্ষেত্রে অপেক্ষমান তালিকার ছাত্র-ছাত্রীদেরকে মেধাক্রমানুসারে ডাকা হবে এবং তাদেরকেও উপরোক্ত ২২.১ নং নিয়মে ভর্তি প্রক্রিয়া সম্পন্ন করতে হবে।  |
| ২২.৩ | ইউনিট অফিস ভর্তির জন্য ছাত্র/ছাত্রী নির্বাচন করে নির্বাচিত তালিকা ও নির্বাচিত ছাত্র/ছাত্রীদের ছবিসহ প্রবেশপত্রের কপি সংশ্লিষ্ট বিভাগ/ইনস্টিটিউট অফিসে প্রেরণ করবেন।<br>ছাত্র/ছাত্রীরা ভর্তি ফরম পূরণ করে সংশ্লিষ্ট বিভাগ/ইনস্টিটিউট অফিসে জমা দেয়ার পর ভর্তি ফরমের সঙ্গে প্রদত্ত ছবির সঙ্গে প্রবেশপত্রের সাথে ইউনিট অফিস থেকে প্রেরিত ছবি মিলিয়ে নিয়ে সঠিক বলে নিশ্চিত হওয়ার পর বিভাগীয় সভাপতি/ইনস্টিটিউটের পরিচালক ভর্তি ফিস জমা দেয়ার ব্যাংক স্লিপে স্বাক্ষর করবেন।  |

|      |  |
|------|--|
| ২২.৪ | ভর্তির সময় প্রত্যেক ছাত্র/ছাত্রীকে ৩০০০/- টাকা হারে “শিক্ষা সহায়ক” ফিস এবং ৫০০/- টাকা হারে “অনুষদ উন্নয়ন” ফিস হিসাবে অনুষদ/বিভাগ/ইনস্টিটিউটের ব্যাংক হিসাবে নগদ জমা দিতে হবে এবং উক্ত জমাদানের ব্যাংক রসিদ প্রদানের পর অনুষদ/বিভাগ/ইনস্টিটিউট অফিস ১ম বর্ষ স্নাতক (সম্মান) শ্রেণিতে ভর্তির মূল ফরম ছাত্র/ছাত্রীদের সরবরাহ করবেন।  |
| ২৩.  | <b>ভর্তি বাতিল এবং দ্বৈত ভর্তি সম্পর্কিত নিয়মঃ</b>  |
| ২৩.১ | <b>ভর্তি প্রত্যাহারের নিয়মঃ</b>   |
| (ক)  | কোন ছাত্র/ছাত্রী চলতি শিক্ষাবর্ষে স্নাতক (সম্মান) শ্রেণিতে ভর্তি হয়ে যে কোন কারণে স্ব স্ব ইউনিটের ভর্তির সর্বশেষ তারিখের মধ্যে স্বেচ্ছায় ভর্তি বাতিল করতে চাইলে তাকে ডেপুটি রেজিস্ট্রার (একাডেমিক), রেজিস্ট্রার দপ্তর, চ.বি. বরাবর দরখাস্ত লিখে তাতে সংশ্লিষ্ট বিভাগীয় সভাপতি/ইনস্টিটিউটের পরিচালকের সুপারিশ ও ইউনিট ভর্তি কমিটির কো-অর্ডিনেটর এর অনুমতি নিয়ে ভর্তি বাতিল ফিস রেজিস্ট্রার, চ.বি. এর অনুকূলে অগ্রণী ব্যাংক, চট্টগ্রাম বিশ্ববিদ্যালয় শাখা থেকে সংগৃহীত <u>অফেরতযোগ্য ৫০০/- টাকার পে-অর্ডারসহ</u> দরখাস্তটির ফটোকপি করে মূল কপি ইউনিট ভর্তি কমিটির কো-অর্ডিনেটর এর অফিসে এবং ফটোকপিটি রেজিস্ট্রার দপ্তরের একাডেমিক শাখায় জমা দিয়ে ভর্তি বাতিল করতে হবে।  |
| (খ)  | কোন ছাত্র/ছাত্রী স্নাতক (সম্মান) শ্রেণিতে ভর্তি হওয়ার পর চলতি শিক্ষাবর্ষে স্ব স্ব ইউনিটে ভর্তির সর্বশেষ সময় শেষ হওয়ার পর বা পরবর্তীকালে যে কোন সময় যে কোন কারণে স্বেচ্ছায় ভর্তি বাতিল করতে চাইলে তাকে উপরোক্ত নিয়মে আবেদন করে ভর্তি বাতিল ফিস রেজিস্ট্রার, চ.বি. এর অনুকূলে অগ্রণী ব্যাংক, চট্টগ্রাম বিশ্ববিদ্যালয় শাখা থেকে সংগৃহীত <u>অফেরতযোগ্য ১৫০০/- টাকার পে-অর্ডারসহ</u> দরখাস্তটি রেজিস্ট্রার দপ্তরের একাডেমিক শাখায় জমা দিয়ে ভর্তি বাতিল করতে হবে।   |
| ২৩.২ | <b>দ্বৈত ভর্তি সম্পর্কিত নিয়মঃ</b>  |
| (ক)  | বিশ্ববিদ্যালয়ের আইন অনুযায়ী একাধিক বিষয় বা একাধিক কোর্সে ভর্তি হওয়া শাস্তিমূলক অপরাধ।  |
| (খ)  | কোন ছাত্র/ছাত্রী অন্য কোন শিক্ষা প্রতিষ্ঠানে কোন কোর্সে ভর্তি হওয়ার পর চট্টগ্রাম বিশ্ববিদ্যালয়ে ভর্তির সুযোগ পেলে তাকে পূর্বে ভর্তিকৃত শিক্ষা প্রতিষ্ঠানের ভর্তি প্রত্যাহার করে ভর্তি প্রত্যাহারের চিঠি চট্টগ্রাম বিশ্ববিদ্যালয়ে ভর্তির সময় ভর্তি ফরমের সঙ্গে সংশ্লিষ্ট বিভাগ/ইনস্টিটিউটে জমা দিতে হবে। সময় স্বল্পতার কারণে বা যে কোন যুক্তিসঙ্গত কারণে কোন ছাত্র/ছাত্রী ভর্তির সময় ভর্তি প্রত্যাহারের চিঠি জমা দিতে অপরাগ হলে চট্টগ্রাম বিশ্ববিদ্যালয়ে ভর্তি ফিস জমা দেয়ার তারিখ হতে দুই মাসের মধ্যে পূর্ববর্তী শিক্ষা প্রতিষ্ঠানের ভর্তি প্রত্যাহার করে ভর্তি প্রত্যাহারের চিঠি বিভাগীয় সভাপতি/ইনস্টিটিউটের পরিচালকের মাধ্যমে রেজিস্ট্রার দপ্তরের একাডেমিক শাখায় অবশ্যই জমা দিতে হবে। উক্ত দুই মাস সময়ের পর কোন ছাত্র/ছাত্রীর বিরুদ্ধে দ্বৈত ভর্তির অভিযোগ পাওয়া গেলে তখন তার কোন প্রকার ওজর আপত্তি গ্রহণযোগ্য হবে না এবং বিশ্ববিদ্যালয়ের নিয়মানুসারে তার চট্টগ্রাম বিশ্ববিদ্যালয়ে ভর্তি বাতিল করা হবে। |
| ২৪.  | <b>ভর্তি সম্পর্কিত বিশেষ নিয়মাবলীঃ</b>  |
| (ক)  | ভর্তি ফিস জমা দেয়ার সমস্ত নিয়ম কানুন সম্পন্নকারী ভর্তিছু প্রার্থীদেরকে “আগে আসলে আগে ভর্তি করা হবে” ভিত্তিতে ভর্তির জন্য নির্ধারিত আসনে ও সময়সীমার মধ্যে ভর্তি করা হবে।   |
| (খ)  | কোন ছাত্র/ছাত্রী মূল ভর্তি ফরমে কোন তথ্য গোপন করে বা মিথ্যা তথ্য বা ভূয়া তথ্য প্রদান করে বা জাল একাডেমিক ট্রান্সক্রিপ্টের মাধ্যমে ভর্তি হলে সেই ছাত্র/ছাত্রীর ভর্তি বাতিলসহ বিশ্ববিদ্যালয়ের নিয়মানুসারে অন্যান্য শাস্তিমূলক ব্যবস্থা গ্রহণ করা যাবে।  |

|     |  |
|-----|--|
| (গ) | কোন ভর্তিচ্ছু প্রার্থীদের সংশ্লিষ্ট পরীক্ষার একাডেমিক ট্রান্সক্রিপ্ট বা পরীক্ষা পাশের সার্টিফিকেট কোন কাটাকাটি থাকলে বা ওভার রাইটিং করলে বা যে কোন প্রকার জিপি/জিপিএ বা পরীক্ষা পাশের বছর বা শিক্ষার্থীর নাম বা বিবরণ বা তথ্য বসিয়েছেন মনে হলে বা একাডেমিক ট্রান্সক্রিপ্ট বা সার্টিফিকেট দেখে সন্দেহ হলে সেই একাডেমিক ট্রান্সক্রিপ্ট বা সার্টিফিকেটের ভিত্তিতে কোন ছাত্র/ছাত্রীকে ভর্তি করা হবে না।   |
| (ঘ) | ছাত্র/ছাত্রীদের ভর্তি ফিস জমা দেয়ার জন্য পে-স্লিপ ইস্যু করার সময় এবং ভর্তি প্রক্রিয়া চলাকালীন সময়ে মাধ্যমিক ও উচ্চ মাধ্যমিক বা সমমান পরীক্ষা দুটির মূল একাডেমিক ট্রান্সক্রিপ্ট ফেরত দেয়া যাবে না। কোন ছাত্র/ছাত্রী উক্ত সময় শেষ হওয়ার পূর্বে একাডেমিক ট্রান্সক্রিপ্ট ফেরত নিতে চাইলে তাকে আগে ভর্তি বাতিল করতে হবে। এরপর সে তার একাডেমিক ট্রান্সক্রিপ্ট ফেরত নিতে পারবে। তবে ভর্তির সর্বশেষ তারিখের ৩০ দিন পর উক্ত একাডেমিক ট্রান্সক্রিপ্ট ফেরত দেয়া যাবে। |
|     | চট্টগ্রাম বিশ্ববিদ্যালয় হটলাইন: (সকাল ৯:০০ টা থেকে বিকেল ৫:০০ টা পর্যন্ত)<br>একাডেমিক শাখা, রেজিস্ট্রার দপ্তর, চ.বি.: 01555555157, 01555555158, 01556570088<br>টেকনিক্যাল সাপোর্ট (আই.সি.টি. কেন্দ্র) : 01556570077<br>E-mail: <a href="mailto:admission@cu.ac.bd">admission@cu.ac.bd</a><br>বিস্তারিত তথ্যাদি চট্টগ্রাম বিশ্ববিদ্যালয়ের ভর্তির ওয়েবসাইটে ( <a href="http://admission.eis.cu.ac.bd">http://admission.eis.cu.ac.bd</a> ) পাওয়া যাবে।            |

## চট্টগ্রাম বিশ্ববিদ্যালয়

অনলাইনে ভর্তির প্রাথমিক আবেদনের জন্য আবেদনকারীর করণীয় :

|    |   |
|----|---|
| ১. | আবেদনকারীকে ভর্তি পরীক্ষা সংক্রান্ত সকল কার্যাবলী চট্টগ্রাম বিশ্ববিদ্যালয়ের ভর্তির ওয়েবসাইট ( <a href="http://admission.eis.cu.ac.bd">http://admission.eis.cu.ac.bd</a> ) এর মাধ্যমে করতে হবে। এ ওয়েবসাইটে আবেদনকারী চট্টগ্রাম বিশ্ববিদ্যালয়ের সকল ইউনিট এর ভর্তি সংক্রান্ত নির্দেশিকা, নোটিশ এবং লিঙ্কসমূহ দেখতে পাবেন। যে কোন ইউনিটে আবেদন করার পূর্বে ভর্তি সংক্রান্ত নির্দেশিকা ভালো করে পড়ে নিন। এছাড়াও অনলাইনে প্রতি পেইজের নির্দেশাবলি পড়ে নিন।   |
| ২. | ভর্তি পরীক্ষায় অংশগ্রহণের আবেদন ১২ সেপ্টেম্বর ২০১৭ তারিখ দুপুর ০২:০০ টা থেকে ০৪ অক্টোবর ২০১৭ তারিখ রাত ১২:০০ টা পর্যন্ত অনলাইনে করা যাবে।  |
| ৩. | যে কোন ইউনিটে ভর্তির আবেদন করার জন্য চট্টগ্রাম বিশ্ববিদ্যালয়ের ভর্তির ওয়েবসাইট ( <a href="http://admission.eis.cu.ac.bd">http://admission.eis.cu.ac.bd</a> ) এর 'আবেদন/লগইন' বাটনে ক্লিক করতে হবে।  |
| ৪. | 'আবেদন/লগইন' বাটনে ক্লিক করার পর 'আবেদন/লগইন' এর তথ্যের পেইজে আবেদনকারীর উচ্চ মাধ্যমিক/সমমান পরীক্ষার রোল নম্বর, পাসের সন ও বোর্ডের নাম এবং মাধ্যমিক বা সমমান পরীক্ষার রোল নম্বর প্রদান করে 'দাখিল করুন' বাটনে ক্লিক করুন এবং পরবর্তী পেইজে আবেদনকারীর মাধ্যমিক ও উচ্চ মাধ্যমিক পরীক্ষার তথ্যাবলি এবং আবেদনকারী যে সকল ইউনিটে আবেদন করার যোগ্যতা রাখেন তা দেখা গেলে 'নিশ্চিত করছি' বাটনে ক্লিক করতে হবে।  |
| ৫. | আবেদনকারী ইতোমধ্যে কোন ইউনিটে আবেদন না করে থাকলে ওয়েবসাইটে আবেদনকারীর নির্দিষ্ট ফরম্যাটে একটি ফরমাল ছবি, ব্যক্তিগত মোবাইল নম্বর ও প্রযোজ্য ক্ষেত্রে কোটার তথ্য চাওয়া হবে। তবে যে কোন ইউনিটে ইতোমধ্যে আবেদন করে থাকলে তথ্যগুলো পুনরায় দিতে হবে না।  |
| ৬. | ছবি এবং অন্যান্য তথ্যাবলী দেয়া হলে পরবর্তী পেইজে সেগুলো নিশ্চিত করতে বলা হবে। নিশ্চিত করার জন্য আবেদনকারীকে যে কোন মোবাইল অপারেটর নম্বর থেকে একটি এসএমএস ১৬৩২১ নম্বরে পাঠাতে হবে। এসএমএসটির ফরম্যাট আবেদনকারী সেই পেইজেই দেখতে পাবেন। এসএমএসটি পাঠানোর পর ফিরতি এসএমএস-এ আবেদনকারী একটি কনফার্মেশন কোড পাবেন। এই কনফার্মেশন কোডটি আবেদনকারী পেইজের নির্ধারিত স্থানে দেয়ার পর 'নিশ্চিত করছি' বাটনে ক্লিক করতে হবে।   |
| ৭. | সঠিক কনফার্মেশন কোড দেয়া হলে আবেদনের মূল পাতা (সকল ইউনিটের জন্য প্রযোজ্য) দেখা যাবে। এই পেইজের মাধ্যমে আবেদনকারী যে সকল ইউনিটে আবেদন করার যোগ্যতা রাখেন সে সকল ইউনিটে আবেদন করে টাকা জমার রসিদ সংগ্রহ করতে পারবেন। এই পাতায় উল্লিখিত ইউনিটসমূহের যে কোনটিতে আবেদন করার জন্য ইউনিটের পাশে 'আবেদন' বাটনে ক্লিক করতে হবে। 'আবেদন' বাটনে ক্লিক করার পর উক্ত ইউনিটের 'আবেদন' বাটনটির স্থানে একটি সবুজ রঙের টিক চিহ্ন দেখা যাবে এবং সেই ইউনিটের টাকা জমার রসিদ (পেমেন্ট স্লিপ) ডাউনলোডের লিঙ্ক পাওয়া যাবে। এছাড়া পরবর্তীতে এই পেইজ থেকে আবেদনকারী তার আবেদনকৃত সকল ইউনিটের ভর্তি পরীক্ষার প্রবেশপত্র সংগ্রহ, আসন বিন্যাস, ফলাফল ইত্যাদি জানতে পারবেন। |



|     |   |
|-----|---|
| ৮.  | উপরোক্ত পেইজ থেকে যে ইউনিটের টাকা জমার রসিদ (পেমেন্ট স্লিপ) সংগ্রহ করতে ইচ্ছুক সেই ইউনিটের টাকা জমার রসিদ (পেমেন্ট স্লিপ) ডাউনলোডের লিঙ্কে ক্লিক করে রসিদটি ডাউনলোড ও প্রিন্ট করে নিতে হবে। পেমেন্ট স্লিপটির দুইটি অংশ থাকবে; উপরেরটি আবেদনকারীর অংশ এবং নিচেরটি ব্যাংকের অংশ। উল্লেখ্য যে, টাকা জমার রসিদের আবেদনকারীর অংশটি ভর্তি পরীক্ষার প্রবেশপত্র নয়। ভর্তি পরীক্ষার প্রবেশপত্রের বিকল্প হিসেবে টাকা জমার রসিদের অংশটুকু ব্যবহার করা যাবে না।  |
| ৯.  | টাকা জমার রসিদের তথ্যসমূহ ও আবেদনকারীর ছবি সঠিক আছে কিনা যাচাই করে নিতে হবে। এরপর টাকা জমার রসিদের দুইটি অংশেই নির্ধারিত স্থানে আবেদনকারীকে স্বাক্ষর করে ০৫ অক্টোবর ২০১৭ তারিখের মধ্যে রসিদে উল্লিখিত পরিমাণ টাকা (ভর্তির প্রাথমিক আবেদন ফি, অনলাইন সার্ভিস ফি ও ব্যাংক সার্ভিস চার্জ) দেশের ৪ (চার) টি রাষ্ট্রায়ত্ত্বাবধিকৃত ব্যাংক (সোনালী, জনতা, অগ্রণী, রূপালী) এর যে কোন শাখায় জমা দিতে হবে। ব্যাংক কর্তৃপক্ষ টাকা জমার প্রমাণ স্বরূপ টাকা জমার রসিদের আবেদনকারীর অংশ কেটে আবেদনকারীকে ফেরত দিবেন। |
| ১০. | কোন ইউনিটে আবেদনকারীর ব্যাংকে টাকা জমা দেওয়ার তথ্য চট্টগ্রাম বিশ্ববিদ্যালয়ে পৌঁছলে তার সংশ্লিষ্ট ইউনিটের 'পেমেন্ট' কলামে একটি সবুজ রঙের টিক চিহ্ন দেখা যাবে। ব্যাংকে টাকা জমা দেয়া না হলে আবেদনকারী সংশ্লিষ্ট ইউনিটের ভর্তি পরীক্ষায় অংশগ্রহণ করতে পারবে না। আবেদনকারী পরীক্ষার্থীরা ১৫ অক্টোবর ২০১৭ তারিখ থেকে ভর্তি পরীক্ষা শুরু হবার ১ (এক) ঘন্টা পূর্ব পর্যন্ত সংশ্লিষ্ট ইউনিটের প্রবেশপত্র ডাউনলোড ও সংগ্রহ করতে পারবেন।   |
| ১১. | প্রবেশপত্রে ভর্তি পরীক্ষার Roll No. ও Serial No. থাকবে। প্রবেশপত্রের নির্দেশাবলীতে উল্লিখিত কাগজপত্র নিয়ে আবেদনকারীকে ভর্তি পরীক্ষায় অংশগ্রহণ করতে হবে।   |
| ১২. | GCE (O Level & A Level) অথবা সমমানের বিদেশী সার্টিফিকেটধারী আবেদনকারীকে Equivalence করার জন্য ডিন, ব্যবসায় প্রশাসন অনুষদ অফিসে তার গ্রেডশীট/মার্কশীটসমূহের ফটোকপিসহ আবেদন করতে হবে এবং রেজিস্ট্রার, চ.বি. এর অনুকূলে অগ্রণী ব্যাংক, চট্টগ্রাম বিশ্ববিদ্যালয় শাখা থেকে সংগৃহীত ১০০০/- (এক হাজার) টাকার পে-অর্ডার সমতা নিরূপন ফি হিসেবে প্রদান করতে হবে। সমতা নিরূপনের পর আবেদনকারীকে একটি সমতা নিরূপন সনদপত্র প্রদান করা হবে এবং উক্ত সনদপত্রে Equivalent ID উল্লেখ থাকবে।                               |
| ১৩. | GCE (O Level & A Level) ও সমমান পরীক্ষায় উত্তীর্ণ এবং বিদেশী সার্টিফিকেটধারী আবেদনকারীদের চ.বি. ব্যবসায় প্রশাসন অনুষদের ডিন অফিস থেকে প্রদত্ত Equivalent ID মাধ্যমিক/ উচ্চ মাধ্যমিক রোল নম্বরের স্থানে ব্যবহার করে যথাযথ নিয়মে টাকা জমা দেওয়ার রসিদ সংগ্রহ করতে হবে।  |
| ১৪. | আবেদনপত্র সংশোধনের (প্রযোজ্য ক্ষেত্রে) সময় হলো ২০ সেপ্টেম্বর ২০১৭ তারিখ থেকে ১০ অক্টোবর ২০১৭ তারিখ পর্যন্ত। আবেদনপত্রে যে কোন সংশোধনী এবং ভর্তি পরীক্ষা সংক্রান্ত যে কোন ডকুমেন্টের ডুপ্লিকেট কপি নেয়ার জন্য (প্রযোজ্য ক্ষেত্রে) প্রতিটি সার্ভিস এর ক্ষেত্রে অনলাইনে ৩৫০/- (তিনশত পঞ্চাশ) টাকা মাত্র বা হেল্প ডেস্কে ২০০/- (দুইশত) টাকা মাত্র সার্ভিস চার্জ প্রযোজ্য হবে।   |

2

